

4

DISQUISITIONEM CHEMICO-MEDICAM  
AN ADSTRINGENTIA  
ET  
ROBORANTIA STRICTE  
SIC DICTA  
FERREO PRINCIPIO SVAM DEBENT  
EFFICACIAM?

---

R E C T O R E  
VNIVERSITATIS EBERHARDINO-CAROLINAE  
MAGNIFICENTISSIMO,  
SERENISSIMO AC POTENTISSIMO DVCE ET DOMINO,  
D O M I N O  
C A R O L O  
DVCE WIRTEMBERGIÆ AC TECCIÆ rel. rel.  
PRINCIPE AC DOMINO LONGE CLEMENTISSIMO,  
P R O  
SVSCIPIENDA PROFESSIONE MEDICINÆ EXTRAORDINARIA  
PVBLICE EXCVTIENDAM PROPONIT

JOANNES FRIDERICVS GMELIN,  
MEDICINÆ DOCTOR,  
R E S P O N D E N T E  
FRIDERICO BENJAM. HOELDER,  
MED. CAND. WAIBLINGENSI.  
*d. III. Febr. MDCCLXXIII.*

---

T V B I N G Æ,  
LITTERIS SIGMVNDIANIS.

THE UNIVERSITY OF CHICAGO  
LIBRARY

ROBERT ANTONI ZWISLOCKI

SE 1964

THE UNIVERSITY OF CHICAGO  
LIBRARY

SE 1964

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

NO 11 1964

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY





Nuperrime a Serenissimo & Potentissimo Nostro Duce munere Professoris medicinæ extraordinarii clementissime ornatus, & mox de dissertatione ex legibus hujus Universitatis habenda meditatus, incidi in Cl. Modelii observationem, qua scilicet constitit, cortici cinchonæ multas particulas ferreas inesse *a)* & quæ ipsi inde nata est, suspicionem, *b)* non hunc modo cinchonæ corticem, sed forsan omnia, quæ vocamus, roborantia medicamina ferreis his particulis vim suam debere atque efficaciam; inde animo mecum constitui, in rem hanc ulterius inquirere, & plura capere experimenta, quibus hæc materia illustrari posset.

### §. I.

Ferrum inesse vegetabilibus fere omnibus, & cinerum vegetabilium particulæ, quæ a magnete attrahuntur *c)* & veri ferri instar

A

- a)* quas cum Modelio etiam Cl. Zeiher vidit in epistola dedicatoria præmissa Lucas *Versuch von Wassern aus dem Englischen übersetzt von Zeiher 1. Th. Altenburg 1767. p. epist. penult.*
- b)* id quidem jam subolfecit Lemery *Memoires de l'Academie des Sciences à Paris 1706. p. 537.*
- c)* Geoffroy *Memoires de l'Academie de Paris 1705. p. 478. 480. hist. de l'Acad. 1705. p. 81. 83. Memoir. 1707. p. 226. 227. hist. 1725, p. 49. mem. p. 338. Lemery ibid.*



star in foco speculi caustici funduntur, *d*) & sal ammoniacus cum his in flores aurantios sublimatus, *e*) & pigmentum cæruleum, quod Jacobi ex carbonibus vitis viniferæ, *f*) Geoffroy etiam ex aliorum vegetabilium carbonibus, lixivio sanguinis substitutis, *g*) obtinuit, & cæruleum illud, fodæ cineribusque clavellatis plerumque admixtum, *h*) & residuum a destillato lini, amygdalarum, olivarum terebinthinæque oleo, *i*) & cespitum cineres martiales, *k*) & mellis carbo, *l*) & productum ex vitrioli acido concentrato & terebinthinæ aliisque æthereis oleis inter se commistis & valido igne agitatis, *m*) demonstrare videntur; unde etiam plurimorum Chemicorum

ibid. *histoir.* 1706. p. 47. *mem.* p. 529. *histoir.* 1708. p. 75. *mem.* p. 484. Homberg *ibid.* *mem.* 1706. p. 201. Galeacius *Commentar. Bononiens.* T. II. P. II. p. 29. Vogel *institut. chem. Goetting.* MDCCLV. p. 48. Neumann *allgemeine Grundsätze der theoretisch - praktischen Chemie, herausgegeben von Zimmermann, Dresden.* 2ter B. p. 1316.

*d*) Homberg l. m. c. Lemery l. c. 1706. *hist.* p. 47. *mem.* p. 530.

*e*) eam observationem debeo Illustri Gaubio, Præceptori Colendissimo, ut in omni re medica, ita etiam in chemia expertissimo.

*f*) *Acta Academ. Elect. Mogunt. scientiar. util. quæ Erfordiæ est.* T. I. p. 160.

*g*) l. c. 1725. *hist.* p. 49. *mem.* p. 321. 327. 331.

*h*) Henckel *flora saturnizans*, cui adiectus est libellus de kali geniculato Germanorum. Lips. 1722. p. 656. Geoffroy l. m. c. *mem.* p. 338. 339. *Model von den Bestandtheilen des Boraxes bey Gelegenheit eines aus Persien bekommenen Salzes, aus dem Lateinischen übersezt von J. G. Gmelin. Tübing.* 1751. S. 8. p. 31.

*i*) Lemery l. c. 1707. *hist.* p. 54. *mem.* p. 9 — 11.

*k*) Muffchenbrœck *Essai de physique* T. I. à Leyden. 1739. p. 289. huc etiam referas materiam illam cæruleam in palude torfacea Scotiæ inventam vere ferream, & adstringentibus vegetabilibus mistam. *Philosophic. Transact.* Vol. LVIII. nr. 27. p. 187. sqq.

*l*) Lemery l. c. 1706. *hist.* p. 47. *mem.* p. 361. 529.

*m*) *Memoir. de l'Académ. de Paris* 1707. p. 6. 224.



micorum primi ordinis de ferro ubique *n*) & præsertim in plantis *o*) reperiundo opinio nata est.

### §. 3.

Dubitarunt tamen alii, iique egregii Viri, an verum ferrum plantis ignis torturam nondum expertis insit, utrum potius demum sub violenta ignis vegetabilia in cineres convertentis actione gignatur atque producat, *p*) ex eo argumentati, quod neque magnes, *q*) neque, quæ chemici appellare gestiunt, reagentia, *r*) neque gustus *s*) vel minimam ferri particulam in vegetabilibus nondum violento igne mutatis detegat; quod ferri particulæ & ob nimiam crassitiem, quo minus subtilissima stirpium vascula in-

A 2

trent

*n*) Boerhaave elem. Chem. T. II. p. 447. Macquer elem. de chymie pratique. T. I. p. 262. Cramer elem. art. docimast. P. I. p. 198. Eller Memoires de l'Academie des Sciences à Berlin pour l'année 1753. p. 43. Wallerius *Mineralogie, übers. durch Denso* 1750. p. 350. Anonymus *Hamb. Mag.* 15. B. p. 39. & alii.

*o*) Eller l. m. c. p. 47. Scopoli ann. histor. natur. II. p. 11. Arbutnot *von der Wirkung der Luft auf und in menschliche Körper.* *Hamb. Mag.* 4. B. p. 171. Crantz mater. med. & chirurg. T. II. p. 45.

*p*) inter eos primus est Geoffroy, qui ll. cc. varias ad opinionem suam stabiliendam inseruit dissertationes; huc pertinent quoque Homberg l. c. & uti videtur, etiam Boyle. Chymist. scept. P. II. Roterod. 1669. p. 92. ad fin. atque Anonymus *Hamb. Mag.* 15. B. p. 39. sqq.

*q*) v. de hoc præsertim posteriorem l. c. qui succis inspissatis herbarum artemisiæ absinthii, rumicis acetosæ, portulacæ oleracæ, gentianæ centaurei, centaureæ benedictæ, achilleæ millefolii, hyoscyami nigri, euphorbiæ esulæ, asplenii rutæ murariæ, athamantæ oreoselini, & radicis althææ officinalis frustra magnetem adplicuit *Memoir. de l'Academ. de Paris.* 1708. p. 508. 510.

*r*) *Hamburg. Magazin* 15. B. ubi anonymus ille frustra cum succis expressis & inspissatis herbarum Achilleæ Millefolii, Hyoscyami nigri, Meliloti officinalis, Menyanthis trifoliatæ, Veronicæ officinalis & Asplenii Rutæ murariæ, nec non radicum Iridis florentinæ, Bryoniæ albæ, & Imperatoriæ Ostruthii infusum decoctumve gallarum, florum granatorum, nucum cupressi, ligni brasiliæ aut miscuit aut posteriora corpora cum prioribus addita aqua coxit. p. 40 — 44. Geoffroy l. c. 1707. mem. p. 227.

*s*) Geoffroy l. m. c.



trent *t*) & gravitate specifica metalli, quo minus in tenuissimis his tubulis adscendant, *u*) impediantur; quod ferro admixto terra reddatur potius sterilis, quam nutriendis plantis apta; addiderunt, quod experimentum, quo ex vitrioli & terebinthinæ oleo inter se combinatis ferrum generari demonstratur, infidum sit, dubiumque, annon in violenta vitrioli destillatione ferri etiam particulas nonnullas secum abripuerit vitrioli oleum, remaneat, & quod huic debeatur, neque vero terebinthinæ oleo ex mixtione productum ferrum; *x*) quod denique solutum in variis succis ferrum & in ultimas partes divisum denique destruat. *y*)

#### §. 4.

Multa tamen ad hæc regeri possunt: Primo etiam magnes in nonnullis certe vegetabilibus, quæ ab igne ullam passa fuisse violentiam non suspiceris, particulas ferreas detexit; *z*) vitriolum ferri purum in plantis non corruptis argillæ inclusis vidit Cronstedt: *a*) Certissimis porro constat experimentis, animalium, quæ, præter aquam, aut meris vegetabilibus, aut iis, una cum partibus animalium, quæ plantis vescuntur, aut his solis utuntur, & rarissimo exemplo terram, aut alia, si falem culinarem exceperis, ex minerali regno deprompta corpora ingurgitant, in quibus vel mi-

nima

*t*) id. l. c. 1705. hist. p. 82.

*u*) ibid. l. m. c.

*x*) Geoffroy l. c. 1707. mem. p. 228.

*y*) id. l. m. c. p. 227.

*z*) ita particulas ferreas in cortice cinchonæ ostendit magnes Cll. Vir. Model & Zeiher l. c. & Plenck *Sammlung von Beobachtungen über einige Gegenstände der Wundarzneykunst* 1. Th. 6. St. p. 179. sqq.

*a*) *Versuch einer Mineralogie, vermehrt durch Brünnich*, 1770, p. 107.



nima latentis ferri nasci possit suspicio, & solidas partes, *b)* & fluidas *c)* & sanguinem præcipue, ejusque quidem partem rubram *d)* & hanc posteriorem etiam, antequam ignis calcinantis violentiæ exponatur, particulas ferreas magneti ostendere, *e)* quas

## A 3

vere

- b)* Carnes varias Menghinus Comment. Bonon. T. II. P. II. p. 251. 252. Galeacius ib. p. 29. parciore ossa Menghinus l. m. c. Marcgraf *chymische Schriften* 1. Th. p. 303. lanam, cornua, pilos, ungues. Geoffroy l. c. 1725. hist. p. 48. mem. p. 239. 319. 322. copiosissimas lumbricos & millepedes Galeacius l. c. p. 29. etiam corallia. Lemery l. c. 1711. (edit. vernac.) p. 757. Marcgraf. l. c. P. I. p. 303. Neumann l. c. P. I. p. 681. alia lithophyta Galeacius l. m. c. p. 29. spongas id. ibid. & Geoffroy l. m. c. mem. p. 332. vipersas Galeacius l. m. c.
- c)* Urinam copiosas, Schloffer de sale urinæ humanæ nativo. Harlingæ 1760. p. 19. 20. Geoffroy l. m. c. p. 239. Galeacius & Badia l. c. p. 36. 37. ejus calculum Lister de aquis mineralibus diff. Ilda p. 143. Marcgraf l. c. p. 303. castoreum Lemery l. c. 1706. hist. p. 47. mem. 529. ipsa excrementa Geoffroy l. m. c. & paucissimas quamvis adipem. Menghinus l. c. p. 252.
- d)* Sanguinem Badia Opusc. scientif. filolog. T. XVIII. p. 242. Galeacius l. c. p. 29. sqq. Menghinus l. c. p. 244. sqq. Rhades de ferro sanguinis humani. Goettingæ 1753. Widmer *vom Marggrafischen Bade*. p. 188. *Hamb. Mag.* 13. B. 4. St. III. Haller Elem. physiol. T. II. p. 97. 118. sqq. & prim. lin. physiol. Ed. I. p. 215. partem præcipue rubram sanguinis Ill. Gaubius instit. pathol. med. Leid. 1758. §. 343. Menghinus l. c. p. 255 — 258. ut in hac sola residere animalium ferrum sibi persuadeant; paucissimas habere serum & fibræ id. l. c. p. 254. 255. albumen & crustam pleuriticam Widmer l. c. p. 289. paucissimas piscium & avium sanguinem Menghinus l. c. p. 249. sqq. plures amphibiorum id. ibid. plures adhuc quadrupedum id. l. m. c. plurimas humanum id. l. c. p. 251. sqq. quæ & a magnete attrahuntur, & sive solæ, sive cum inflammabili quocunque instar veri ferri funduntur, & fractæ nitent. *Hamb. Mag.* 13. B. p. 40. Menghinus l. c. p. 256. sqq. cum sale ammoniaco sublimatæ flores aurantios subministrant Rhades l. c. p. 11. nullo addito ferro aut ferreo, ceteris tamen encheiresibus observatis cæruleum Berolinense id. l. c. *Hamb. Mag.* 13. B. p. 40. cum gallarum infuso atramentum Rhades l. c. p. 11. & cum vitrioli oleo. Malpighius opera posthum. p. 3. cum acidis liquores adstringentes. *Hamb. Mag.* 13. B. p. 39. & per crystallisationem, sit venia verbo, verum ferri vitriolum, ibid. & calcinatæ aut præcipitatæ crocum ferri ibid. p. 38. cum vitris metallicis confusæ vitrum fuscum præbent: an ex eo explicandum, quod pillæ cinereo variegati equorum, quorum pabulo miscentur per aliquod tempus ramuli quercus roboris conscissi, inde nigrescant.
- e)* id aliquando, non tamen semper post lenem exsiccationem contigit Ill. Gaubio; semper, experimento tamen magna cum circumspectione instituendo Cl. Menghino l. c. p. 259. — 262. negante tamen anonymo *Hamb. Mag.* 15. B. p. 44.



vere metallicas particulas legitime concludas vegetabili regno suos debere natales, *f*) nisi contra summam probabilitatem velis, a viribus animalibus, quibus tamen ne falem quidem culinarem, crudum adhuc & non mutatum in lotio persistentem, *g*) in sua resolvendi principia, constat, demum genitas fuisse.

#### §. 4.

Præterea magnetis in ferrum actionem varia impedire possunt; ferri paucissimis particulis largissimæ aquæ immerfis, *h*) aut olei magna copia inunctis, aliisque plurimis variæ indolis, *i*) præsertim antimonialibus particulis mistis; *k*) ferro acidis soluto, *l*) aut quocunque modo principii sui inflammabilis experti *m*) frustra adplicabis magnetem; nihil etiam in multis casibus detegit decantatum gallarum, aut aliorum adstringentium vegetabilium decoctum.

*f*) assentientes habeo Neumannum l. c. P. II. p. 1316. & Ill. Hallerum Elem. phys. T. II. p. 121. 157. T. VI. p. 215.

*g*) Schlosser l. c. p. 17. 18. Boerhaave l. c. P. II. p. 327. 328.

*h*) frustra adplicabis aquis pluviali, nivali, puteali, fontanæ, quas tamen omnes ferreis particulis, licet paucis, prægnantes vidit Marcgraf ll. cc.

*i*) frustra omnibus ferri mineris, quas Ill. Linnæus intractabiles vocat System. Nat. Ed. XII. T. III. p. 139. quarum tamen omnes aliquid, multas multum exhibere ferri constat. Lemery l. c. mem 1708. p. 491. sqq. Stahl observ. phys. med. chym. 1696. p. 388. Wallerius l. c. p. 352. Cramer l. c. P. I. p. 205.

*k*) Wallerius l. c. p. 307.

*l*) frustra vitriolo, aut aqua soluto, aut in pulverem comminuto, etiam ad flavedinem calcinato, nisi omni fere acido expulso rubedo calci nascatur, neque tunc etiam cum magno successu, quod principii inflammabilis sufficiens copia adhuc desit. Lemery l. c. mem 1708. p. 506. Salia coercere magnetis in ferrum actionem Kraft Experim. phys. præcip. brev. descript. Petropoli. 1738. p. 235.

*m*) Cramer l. c. P. I. p. 207. Stahl l. c. p. 388. Wallerius l. m. c. Fr. Hofmann observ. phys. chym. select. Hal. 1736. L. III. p. 295. habentur quidem exempla crocorum ferri a magnete attractorum, uti v. g. *Hamb. Mag.* 13. B. p. 39. sed videntur illi inflammabili suo principio non prorsus spoliati fuisse,



ctum vel infusum, *n*) nihil gustus *o*), cum raro in plantis integris ferrum habeatur adeo purum, uti v. g. in vitriolo ferri, sed plerumque aliis atque aliis alio atque alio sapore præditis temperatum, quæ saporem ferri non possunt non aut alterare, aut plane delere; aliquem tamen saporem ferri acidis soluti adstringentia & austera vegetabilia videntur referre.

### §. 5.

Porro vix datur ulla aut aquæ *p*) aut terræ vel argillæ certe coloratæ *q*) vel turfæ *r*) species, cui non aliquid inhæreat ferri; in

*n*) v. hic egregia Lemery experimenta l. m. c. p. 497. 498. nihil in argillis ferri divitibus. id. l. m. c. p. 499. si acidum ratione ferri fortius sit v. Hierne in B. Patruï I. G. Gmelin, dissertation. de acidulis Teinacensibus. Tübingæ. 1727. p. 35.

*o*) Lemery l. m. c. p. 497.

*p*) Marcgraf l. c. P. I. p. 295. 297. 300. sqq. de aquis mineralibus Fr. Hofmann Opusc. phys. med. Ulm. 1741. L. II. p. 351.

*q*) quod aut aqua regia vel forti, quæ argillam & colore & ferro privat, aut magnete, aut ustione cum quocunque inflammabili, aut calcinatione, quo ferrum naturali suis calcibus colore se prodit, explorari potest, v. Wallerius l. c. p. 25. Eller *Hamb. Mag.* 8. B. p. 235. Sprenger *Anfangsgründe des Feldbaues. Stuttgart.* 2. Th. p. 770. Lehmann *Probierkunst. Berlin* 1761. p. 107. Pott *chymische Untersuchungen. Porsdam.* 1746. p. 29. Neumann l. c. 2. Th. p. 315. Galeacius l. c. p. 28. Muffchenbroeck l. c. I. p. 297. Andreæ *Abhandlung über eine benächtliche Anzahl von Erdarten. Hannover* 1769. p. 2. qui etiam calcariæ terræ & arenæ sæpius inhærens ferrum vidit p. 11. sqq. Stahl l. c. 1697. p. 367. 368. 392. huc etiam pertinet Beccheri de factio, ut vocat, ex oleo lini & limo aut argilla, numquam tamen ex hac aut limo solis producto ferro periculum, in libello: Experimentum chemicum novum, quo artificialis & instantanea metallorum generatio & transmutatio ad oculum demonstratur. Francof. 1671. cap. 2. repetitum a Stahlio l. m. c. p. 397. & Geoffroy l. c. 1704. hist. p. 48. mem. p. 382. 383. & 1707. mem. p. 224 sqq. nimis forsan suæ hypothesei favet Lemery, qui asseverare non dubitat, nullam terram dari, quin ferrum contineat. l. c. 1706. mem. p. 531.

*r*) de turfa hollandica v. Muffchenbroeck l. c. p. 289. constat etiam Wirtembergicam Sindelfingensem particulis ferreis foetam esse, ex cuius quippe cineribus paratum Mixivum lintea flavis maculis defoedat; de multis aliis v. Magnifici Kapf, *Rechtliche Untersuchung der Frage, ob der Torf zu den Regalien geböre? Tübingen* 1769. p. 8, 9.



in his tamen per universum terrarum orbem largissima manu dispersis & puris, & aliis terrarum speciebus mistis, multæ stirpes læte crescunt, quas conjicias, una cum reliquis particulis ferreæ quoque fugere. *s)* Nulla quoque certa observatione constat, ferrum ut ferrum, fertilitati terræ *t)* obstare, neque etiam vapores ejus, neque ipsam ferri calcem sive ferruginem, modo aut in locis elasticioribus, aut non acris, aut siccæ terræ, vel alii certe non acidæ calcaris terræ intermixta sit, *x)* quæ inhærens forsan nociturum acidum absorbeat: Et vix dubium superest, quin metallum, quod adeo facile omnis fere generis fluidis solvitur, *y)* liquorum terræ & aëre contentorum magna copia solutum, in particulas similes minimas subtilissimas divisum, *z)* maximopere attenuatum, *a)* in plantarum poros & tubulos capillares receptum, gravitate metalli specifica non impediante, *b)* in his adscendat, *c)* & cum succis plantarum

*s)* *Hamb. Mag.* 8. *B.* p. 233. 22. *B.* p. 14. *Andreæ l. c.* p. 267. *Stahl l. m.* p. 392. 393. *Neumann l. c. P. II.* p. 1316. de quercu robore potissimum v. *Hamb. Mag.* 3. *B.* p. 665. 15. *B.* p. 78. 79. 20. *B.* p. 450. 23. *B.* p. 281. sqq. 24. *B.* p. 175. mistam cum arena aut calcaria terra, unde marga emergit, fertilissimam esse *Andreæ l. c.* p. 270. 277. 278. & alii plures.

*t)* certas ferri mineras stirpium læto incremento se accommodare *Cronstedt l. c.* p. 225. argillas ferriferas, Eller *Hamb. Mag.* 8. *B.* p. 233. sqq. *Stahl l. c.* p. 392. nihil certe obesse ferrum *Scopoli l. c.* p. 20. *Andreæ l. c.* p. 281. qui etiam *Michellii* frumentum, pisa & fabas in meraco ferro lima corraso sata, atque ad maturitatem imperfecta perducta videntis *Melanges d'histoire naturelle T. II. à Lyon, 1763.* p. 223. 224. de scriptam observationem allegat.

*u)* *Philosoph. Transact. Vol. LVI. for the Year. 1766.* nr. 27.

*x)* *Andreæ l. c.* p. 282. 283. *Cronstedt l. c.* *Sprenger l. c. P. II.* p. 723. 807. 819. 835.

*y)* *Wallerius l. c.* p. 329. *Cronstedt l. c.* p. 215. *Lemery l. c. mem.* 1706. p. 531. 536. & 1713. *mem.* p. 42. *Geoffroy ibid. mem.* 1707. p. 227.

*z)* *Lemery l. m. c.*

*a)* *Lemery* nitidis tentaminibus demonstravit, attenuatum ea ratione per acida ferrum in vasis facillime adscendere. *l. c. mem.* 1706. p. 532. sqq.

*b)* neque tamen hæc obstaret, quo minus ferrum adscendere posset; fidis enim experimentis convictus asserit *Musschenbrœck l. c.* p. 326. fluida etiam specificè graviora adhærere solidis pondere specifico inferioribus; fabas certe atramento, in quo posuerant, vascula sua replevisse vidit *Bonnet Hamb. Mag.* 14. *B.* p. 23.

*c)* phænomena tubulorum capillarum non sequi præcise leges gravitatis specificæ testis



antæ commistum non mutatum *d)* in partes plantæ abeat; unde  
culentissime patet, quare plantæ in terra ferri divite prognatæ,  
cineres conversæ & sale suo privatæ plures longe magneti exhi-  
ant particulas ferreas, quam in alio solo crescentes, *e)* & cur-  
rum prima fusione, ut ajunt, ex mineris obtentum, ejusdem  
ne indolis fuerit cum particulis ferreis, ex rubra sanguinis  
arte eorum hominum eductis, qui eandem cum his mineris in-  
luerunt terram. *f)*

### §. 6.

Vitrioli oleum limpidissimum & omni cum cura ab aliis alienæ  
dolis partibus liberatum cum terebinthinæ oleo igni commissum  
rum exhibet verum; *g)* solum etiam terebinthinæ oleum carbo-  
m relinquere, cujus particulæ nonnullæ magneti obediant.  
ora vidimus, *h)* ut luce clarius adpareat, non vitriolici olei par-  
ulis ferreis, sed vegetabili materiæ deberi ab utriusque olei  
mbinati destillatione in carbone relictum ferrum.

### §. 7.

tur Muffchenbroeck l. c. p. 330. vascula plantarum cum his comparant Hales. *Vege-  
table Staticks*. III. Edit. London. 1738. p. 102. 103. 108. 359. Dietrich *Anfangs-  
Gründe der Pflanzenkenntniß*. 1771. Erfurt. p. 217. Erxleben *Anfangs - Gründe  
der Naturgeschichte*. 1768. 2. Th. p. 7. Sprenger l. c. P. II. p. 607.

*d)* vix enim concipias, quomodo natura vegetabilis, animali longe inferior, & hu-  
jus, & violentissimi ignis, æris & aquæ actioni pertinacissime resistenti fixissimæ ter-  
ræ ferri metallicæ tantam inferat mutationem, ut ferrum esse desinat.

*e)* id in plantis regionis Brixienfis deprehendit Galeacius l. c. p. 31. sqq.

*f)* id periculi, Ilvensium minerarum ferrum cum ferro rubræ sanguinis partis comparan-  
do, instituit, & idem esse vidit Menghinus. l. c. p. 262.

*g)* Geoffroy l. c. mem. 1707. p. 224.

*h)* §. 1. sub. l. i.



## §. 7.

Videntur profecto improprie loqui, qui destrui posse, & levi adeo negotio destrui i) contendunt metallum, quod quidem facillime solvitur, facillime in binas partes constituentes, k) dissimilis plane indolis, l) materiam inflammabilem & terram metallicam, m) discerpitur, quæ tamen utraque longissime adhuc ab elementi simplicitate abest, n) & quæ levissimo artificio iterum uniunda, o) idem iterum

i) ut enim possit dici destrui corpus, omnes, quibus antea gavisum erat, virtutes amittat, & ita amittat oportet, ut non amplius, certe non adeo facile recuperare possit ita aer fixatus, quem adpellant phyci, manet aer, quamvis impeditus, quo minus elaterem exferat suum, quem vinculis suis iterum liberatus manifestat; ita calx ferri manet metallum, manet ferrum, quamvis nec ductilis sit, nec splendeat, nec solvatur adeo facile, inflammabili scilicet suo privata, quod ut primum addideris, habebis metallum, habebis idem iterum ferrum, ductile, splendens, suis menstruis ut cum chemicis loquar, facillime obediens,

k) facillime enim arrodi aliis, facillime aliis solvi, facillime aliis præcipitari, & plerumque sub omnibus his operationibus partem principii inflammabilis amittere vitriola, ferrugo, varix ochræ & croci, vapor inflammabilis, ex solutione ferri in acido vitrioli, aut salis, aut citri erumpens, quem tamen præter inflammabile & acidum & terram ferri metallicam continere, effervescentia cum salibus lixiviosis, & rubor, quo tingit gallarum decoctum, probare videntur, docent; partem tamen inflammabilis semper adhærere fixam ferri calcibus, ex coloribus earum nunquam delendis & ex facillima reductione auguratur Baumé Dictionaire de Chymie. T. II. p. 12. Certa etiam observatio docuit, ferri scobem a ferrugine omnibusque alienis puram sedecim horas igni calcinanti commissam adeo non amisisse principium suum inflammabile, aut attributa metalli, ut magneti libenter adhuc obsequeretur.

l) valde differre Geoffroy l. c. 1713. mem. p. 239. Macquer elemens de chymie theorique p. 15. 79. sqq.

m) bina hæc metallorum & ferri præcipue principia agnoscunt Stahl l. c. p. 366. f. Macquer l. m. c. p. 78. Geoffroy l. c. mem. 1707. p. 231. sqq. Neumann l. p. 1320. Lemery l. c. mem. 1713. p. 42.

n) inflammabile metallorum principium ad secundaria refert Macquer l. m. c. p. 9. 15. compositum esse docent Geoffroy mat. med. T. I. p. 19. 21. ab alio quocunque diversum Scopoli l. c. ann. 3. p. 84. Macquer l. m. c. Boerhaave l. c. P. I. p. 1. terram metallicam non esse puram simplicemque Macquer l. c. p. 89. ex terra & principio arsenicali compositam Vogel l. c. p. 47. neutrum esse simplex, aut exactissimi examine chymico separatim posse ostendi Eller Memoir. de Berlin. 1753. p. 20. nullum principium Chemicorum esse simplex Nic. Lemery Cours de Chymie. De Edite. Bruxell. 1741. p. 5.

o) ut ne fusione quidem opus sit, Macquer l. m. c. p. 114. neque igne neque fusio



iterum metallicum ferrum perfectum constituit, *p*) quod amissas, *q*) ex separatione utriusque principii metalli ejusdem perfecti virtutes omnes recuperat : Nullo præterea fido & certo experimento hætenus constat, terram ferri metallicam ullis naturæ aut artis viribus, igne, aëre, aqua, salibus ita immutari posse, ut ne alienæ indolis partibus expulsi, *r*) aut adjecto, quo destituta erat, inflammabili, *s*) in perfectum denuo ferrum redeat; nullo etiam unquam in alterius cujuscunque metalli vel semimetalli naturam transiisse, ejusque basin terream constitui, *t*) aut in simpliciorum non metallicam conversam, aut ex hac productam fuisse. *u*)

### §. 8.

Vnde elucescit, non produci demum *x*) ignis calcinantis vi  
 B 2 ferrum

Baumé l. c. T. III. p. 178. sola cum oleo olivarum per horam vel bihorium continuata digestionem New Dispensatory. II. Edit. London. MDCCLXV. p. 492.

*p*) ita omnes ferri calces ab alienis præsertim salinis particulis depuratas, ne ipso quidem vitro excepto, uti reliquorum metallorum calces, in perfectum metallum restitui, i. e. reduci Eller l. m. c. p. 10 11. 34. Neumann l. c. P. II. p. 1320. 1322. Stahl l. c. p. 330. 331. 391. Vogel l. c. p. 404. Cramer l. c. P. I. p. 207. Geoffroy l. c. mem. 1707. p. 238.

*q*) ferrum inflammabili suo defraudatum pondus quidem adhuc habebat metalli, diversum erat a quacunque alia terra vel metallica vel non metallica, non poterat tamen, aut certe longè difficilior solvi in suis menstruis, non erat ductile, non splendebat, amissas has metalli perfecti virtutes nunc recuperat, addito inflammabili.

*r*) ita, quod ferrum vitriolo inhæret, expulso per ignis violentiam acido, magneti iterum paret. Musschenbroeck l. c. l. p. 292. Lemery l. c. hist. 1708. p. 78. mem. p. 483. 495. 496. mem. 1713. p. 44. ita croci acidis partibus onusti. id. l. m. c. p. 509.

*s*) Cramer l. c. p. 207.

*t*) nullo certe fido ac vero; nollem enim alchymicorum somnia vanasque ostentationes pro certis observationibus mihi opponi; neque speciosissimæ Elleri conjecturæ Mem. de Berlin 1753. p. 1 — 50 præsertim p. 44. prolatae adeo firmo nituntur tale, ut veritatis locum sustineant; terram ferri specificam, ut ita dicam, esse agnoscunt Stahl l. c. p. 391. 392. Neumann l. c. P. II. p. 1320.

*u*) hancovere videtur suspicionem Eller l. m. c. p. 46.

*x*) certe, qui hoc statuunt, non possunt non sibi aliisque persuadere; e vitriolo pariter produci ferrum, e quo tamen & compositio & resolutio docet, educi potius,  
 &



ferrum, sed potius abactis per summam ignis violentiam magis volatilibus & ratione ferri copiosissimis plantæ partibus aqueis, oleosis, salinis, etiam terreis subtilioribus, & abluto elutriantis aquæ ope superstite adhuc fixiore sale, fixissimum *y*) ferrum evolutum nudum denique & liberum, hinc omnibus perfecti ferri attributis conspicuum, se sistere. *z*)

§. 9.

An vero roborantium, ex vegetabili regno desumptorum, medicaminum classi major præ aliis competat, & tanta ferrearum particularum vis, ut his unice, quam exserunt, fibram debilem & torpentem in statum sanitati congruum reducere, fibram solidam compactiorem reddendi, vim contractricem augendi, virtus debeatur, nunc demum rationibus, experimentis atque observationibus investigare conabor.

§. 10.

Differunt vero inter se roborantia; sunt alia, quæ austero suo sapore mox linguam gustantis feriunt, & solida magis vel minus manifeste contrahunt, constipant, condensant; hinc adstringentia Medicis dicta: gallæ, cortices granatorum &c.; sunt alia amara; illa ex particulis acidis cum terreis conjunctis composita; hæc saponis vegetabilis vices sustinentia, ex particularum salinarum cum paucis resinosis, plurimisque mucilaginosi connubio nata.

& veram ejus partem constituentem esse Lemery l. c. Mem. 1708. p. 506. sqq. Fr. Hofmann Observ. phys. chem. L. III. p. 266. 267.

*y*) Cramer. l. c. p. 5.

*z*) Eorum, qui hoc statuunt, princeps est Lemery l. c. mem. 1706. p. 537. mem. 1708. p. 483. 497. 506. hunc sequuntur Vogel l. c. p. 49. Galeacius, l. c. p. 31, 8. Menghinus l. c. p. 261.



nata : radix gentianæ, herba centaurei minoris, cardui benedicti &c. sunt, quæ inter bina hæc quasi media ambigunt : alia roborantia stricte sic dicta, levius amaricantia & constringentia, ex principiis utriusque prioris ordinis quasi conjunctis conflata, in quibus scilicet & acidas, & terreas, & mucilaginosas, & resinosas particulas chemia detegit; v. g. Cortex cinchonæ, Simarubæ &c. huc forsan etiam referas leviora illa vegetabilia adstringentia, e. g. herbam euphrasie, veronicæ, numulariæ & alia; alia iterum reliquis magis volatilia, quæ præter fixa reliquorum ordinum principia, resinam præsertim & gummi, multum etiam olei ætherei continent, adeoque pro parte ex hoc principio stimulando agunt, pro majori tamen, vel æque magna, partibus his magis fixis vim suam debent; huc spectat cortex cascarillæ, absinthium, millefolium, chamomilla, cassia lignea & alia.

## §. II.

Omnibus his id commune est, ut parum odorata fixioris sint indolis, & destillationi subjecta, vix ac ne vix quidem aliquid trans alembicum mittant, in quo specificum, ut ita dicam, vegetabilis saporem reperias; liceat tamen inde excipere quarti ordinis corpora, quum certissime constet, & cascarillæ corticem & alia hujus tribus tam aquam, quam oleum æthereum destillatione exhibere, quæ proprium his corporibus odorem & saporem reserunt; hujus etiam classis plura satis odorata sunt, minus tamen reliquis aromatis, quæ majore quoque volatilitatis gradu gaudent, maximam etiam virtutis suæ partem volatili principio debent.



## §. 12.

Nos hac vice in adstringentia tantum & roborantia propriè sic dicta inquiri, inquiri præsertim in illud terreum principium, quod uterque roborantium ordo inter se commune habet, num scilicet in omnibus ferreæ sit indolis, fusius recensendis quæ sub utroque militant, remediis, facile supersedere possumus, quum præter necessitatem dissertationis volumen auctura, in compendiis materiæ medicæ enarrata habeantur.

## §. 13.

Inter adstringentia primum fere locum obtinent & ferrum ipsum, a) & præparata varia ex eo medicamenta, vitriola & croci variorum nominum, quorum vires ferro tribuendas esse neminem Medicorum unquam negasse puto, b) certe in acidum vel minerali vel vegetabili puro, ab omni labis ferreæ aut metallicæ suspicione libero, vel delicatissima lingua nihil auferri percipiet; adde ferri minimam particulam, & habebis austerum, adstringens illud. c) Eundem saporem, licet aliter temperatum, eadem tamen ratione nunc lenius nunc gravius linguæ papillas ferientem produnt, d) eosdem in condensandis humoribus

a) licet ferrum purum integrum non solum nullum proprie dici possit referre saporem, non agit tamen, nisi solum, atque etiam si non solum ingeritur, primum tamen liquoribus primarum viarum irrigatur, cum his & saporem & virtutem adstringentem communicare videtur.

b) Crantz l. c. p. 41. 42. 45. sqq. Fr. Hofmann Opusc. L. II. p. 351. Geoffroy l. 1713. hist. p. 48. sqq. mem. p. 225. sqq.

c) Geoffroy l. m. c. mem. p. 240. 241. reliqua metalla aut dulcem, aut rodentem aut amarum suis menstruis impertiuntur saporem.

d) Fr. Hofmann opusc. phys. med. T. I. p. 442. Loescke *Abhandlung der auserlesenen Arzneymittel*. Berlin. 1755. p. 430. Geoffroy l. m. c.



bus, *e*) atque in contrahendis animalium fibris solidis *f*) exerunt effectus adstringentia ex vegetabili regno petita.

§. 14.

Quidni ergo justa nasceretur ferrearum particularum adstringentibus infixarum suspicio, quum neque terra filicea, *g*) neque ea, quæ cum acido vitriolico sal anglicum constituit, neque alia metallica, *h*) eum saporem adstringentem, calcaria exsiccantem potius, aluminosa adstringentem quidem, a vitriolico tamen diversum saporem, *i*) menstruis suis conciliet; neutra binarum posteriorum per insignem adeo menstrui copiam diffundat, quam quidem ferrum; *k*) neutra acido suo nupta & in crystallos formata adeo facile aqua solvatur, & tam parcam ejus vim requirat, quam quidem ferri vitriolum? *l*)

§. 15.

*e*) Lœfbecke l. c. p. 432. New Dispensatory. p. 67.

*f*) Crantz l. c. T. II. p. 9. sqq. Lœfbecke l. c. p. 427. hanc quoque inter martialia & adstringentia vegetabilia intercedentem similitudinem agnoscunt Stahl. l. c. p. 529. Fr. Hoffmann Opusc. med. pract. L. I. p. 390. docent etiam solidior compages, & plerorumque ad usus coriarios aptitudo, de qua v. *Gleditschs vermischte Abhandlungen. 1 Tb. Halle. 1765. p. 1. — 38. præcipue p. 30*

*g*) hanc alteram argillæ puræ partem nulli acido parere v. Marcgraf l. c. P. I. p. 231. Poerner *Anmerkungen über Hr. Baumé Abhandlung vom Thon. p. 74.*

*h*) nullis præterea certis experimentis hactenus constat, vel terram illam, quæ cum acido vitriolico sal anglicum constituit, vel quamcunque aliam, præter ferrum, metallicam plantis inesse.

*i*) Fr. Hoffmann Observ. phys. chem. L. III. p. 272. Marcgraf l. c. P. I. p. 207.

*k*) Geoffroy l. c. Mem. 1707. p. 227.

*l*) Vitrioli ferri unciam unam requirere vix drachmas septem aquæ, aluminis æquale pondus uncias sedecim; Vogell. c. p. 360 in calore 50° thermometri Fahrenheitiani unciam unam vitrioli ferri poscere uncias sex aquæ, aluminis idem pondus ultra uncias triginta quatuor & drachmas duas. Spielmann institut. Chem. Argentor. 1763. p. 45. 49. vitrioli viridis  $\text{℥ix}\beta$  non requirere, nisi aquæ destillatæ  $\text{℥viiij}$ ; aluminis drachmas quinque aquæ destillatæ  $\text{℥ij}$  New dispensatory. p. 39. seleniten alumine adhuc longe difficilius solvi, Marcgraf l. c. P. I. p. 201.



## §. 15.

Multum profecto auget conjecturæ hujus probabilitatem, uti omnium plantarum facilis, ita præsertim facilior, *m*) uberior, felicior & frequentior stirpium adstringentium in terra, præsertim argilla colorata, hinc ferrifera, & uliginoso ac turfæo solo, ferri non inope, *n*) proventus. *o*)

## §. 16.

Examinemus nunc roborantia stricte sic dicta, & quidem exempli loco decantatum cinchonæ corticem, in quo terram ferream subtiliter attenuatam fundamentum omnis facultatis roborantis esse, foecunda Modelii detexisse videtur industria. *p*)

## §. 17.

Suadet hic etiam aliquid analogia; summa scilicet est ferri aut fale ammoniaco aliove fale medio *q*) aut acidis soluti, & vel aqua *r*)

*m*) multum jam ex indole soli ad facultates plantarum conclusit Fr. Hofmann l. m. c. T. I. p. 446.

*n*) certe mineram ferri subaquosam frequentissimam reperiri in locis uliginosis, palustribus, sterilibus, paucarum ulnarum profunditate constat. l. c. p. 339. sqq. Cronstedt l. c. p. 221. Cæruleum Berolinense nativum in turfa. id. l. c. p. 220, huc forsaspectat illa etiam cærulea ferrea terra. Philosoph. Transact. Vol. LVIII. n. 27 p. 181. sqq.

*o*) *Hamb. Mag.* 22. B. p. 11 — 17. Fr. Hofmann l. m. c. p. 447. de quercu v. supra §. 5. lit. s.

*p*) ita enim Zeiherus Modelio: *In was für eine angenehme Bewunderung geriet ich nicht, als Sie mir zeigten, wie die peruanische Rinde größtentheils von der Magnete gezogen wurde! Und wie gros wäre nicht unser gemeinschaftliches Vergnügen, den so fruchtbaren Satz, daß die sogenannte Roboriermittel nur in fern roboriren, als sie eine feine Eisenerde bey sich führen, durch eine der wichtigsten Entdeckungen &c. von neuem bestätigt zu sehen.*

*q*) hinc flores salis ammoniaci martiales vel in pulverem conversos, vel in spiritu vini solutos in tollendis febrilibus motibus eadem præstare, ac corticem cinchonæ Fr. Hofmann Opusc. med. pract. L. I. p. 392. his etiam pulverem antipyreticum Neumannii suas debere vires credibile est; hinc tincturam martis e vitriolo Zwelferi proventi usu tutum esse remedium Fr. Hofmann l. m. c. L. I. p. 19.

*r*) sic acidulas multas ferro, quamvis parca copia inhærenti vim roborantem debent



vel spirituosius diluti, s) aut calcinati quidem, sed maximopere attenuati, t) aut aliter præparati, u) in debellandis variis morbis efficacia, quam peritissimi in arte salutari exercenda Viri præter generalem roborandi facultatem celebratæ corticis peruviani in iisdem malis superandis potentiæ vix secundam esse, ejusque sæpe effectus curare, x) toties & observarunt & adnotarunt.

### §. 18.

Objicient quidem contrariæ sententiæ fautores, ferrea remedia, quæ ad unum omnia ex adstringente, principio agant, in multis prioribus recensitis morbis sinistro cum effectu & adhiberi, & adhibita fuisse; perpendant tamen illi, haud pauca ex medicamentis ferreis, præsertim iis, quæ magis composita sunt, adstringens quidem aliquid monstrare, neque tamen ex hoc solo agere; habere secum conjunctam aquam, quæ diluendo viribus adstringendi moderetur, habere

Fr. Hofmann Observ. phys. chym. L. II. p. 234. opusc. phys. med. L. II. p. 55. 78. 93. 99. 149. 150. 151. 351. 360. sqq.

s) Hinc tincturam martis aperitivam Ludovici commendat Juncker Consp. therap. special. Hal. 1750. p. 654. 655. 663. 671. hinc ferrum vino solutum, in quo certe paucissimæ ferri particulæ habentur, summum in fibra debili roboranda remedium vocat immortalis Boerhaave l. c. T. II. p. 445. quod etiam Illustriss. Stœrck similis cum cortice peruviano efficaciam in hydrope esse invenit, additis tamen aliis amaris. Ann. medic. I. p. 82.

t) hinc in febribus intermittentibus suum antimonium diaphoreticum martiale commendat Stahl, l. c. p. 459. commendat etiam & præfert Juncker l. c. p. 655. 663. 671. neque rejicit plane Werlhof Observat. de febribus. Hannover. 1745. p. 241. Crocum martis cachecticum Zwelferi prædicat Juncker l. c. p. 671. crocos martis tenuissimos, limaturam martis rubiginosam, in subtilissimum pollinem contusam, ad compescendos motus febriles loco corticis chinæ substituit Fr. Hofmann l. m. c. p. 392.

u) ita omnia, quæ vocat, correctiora martialia in omni febrium intermittantium genere commendat Juncker l. c. p. 654. 655. 663. 671. in ultima epidemia Erfordienfi martialia cortici longe præstitisse Oetinger de febribus ab initio fere mensis Decembris 1771 per 1772. hucusque Erfordiæ inque ejus confiniis epidemice grassantibus.

x) de eo v. Sulzer theses de cortice peruviano, Argentorati. 1763. p. 18. Geoffroy mat. med. T. II. p. 195.



habere particulas indolis salinæ mediæ, quæ aperiundo, attenuando operentur, habere spirituosas, quæ involvant; considerentur quam enormi particularum aliarum non ferrearum copia temperatæ in plurimis prostant; cogitent, vel maxime innocuum remedium imprudenti, intempestivo & præmaturo usu nocere posse, y) legant denique cautelas, quas summi in arte salutari, que certe cortici peruviano faventes Viri in eo adplicando præscripsere, z) & videant, num non, eadem circumspectione adhibitis præparationes ferreæ, saltem eæ, quæ non mera adstringendi facultate pollent, absque metu infausi eventus usurpari queant.

§. 19.

Videntur etiam aliquid innuere principium corticis febrifugum adstringens, a) & principium terreum fixum, post decoctionem & extractionem superstes, insipidum, b) cortex ipse non mutatus in pulverem conversus a plurimis expertis Medicis efficacissimum præ omnibus præparatis prædicatus, c) extractum aquosum multis minus potens deprehensum, d) ut nonnulli opus esse si-

y) Werlhof l. c. p. 50. 58. 177.

z) ita obstrueta antea referenda, turgentia deplenda præcipiunt Werlhof l. c. p. 67. 74. — 78. 119. 204. Huxham essay on fevers. 5. Edit. London. 1757. p. 22. sq. Fr. Hofmann opusc. med. pract. L. I. p. 128. §. 25. p. 387. 388. 392. §. 93. ubi præsertim cum martialibus comparat. p. 397. 398. 403.

a) Fr. Hofmann opusc. med. pract. L. I. p. 385. 402. Werlhof. l. c. p. 32. 257. 260. Renéaume mem. de l'Acad. de Paris. 1713. hist. p. 45.

b) Fr. Hofmann l. m. c. p. 386. 402. Neumann l. c. T. I. p. 687.

c) Werlhof l. c. p. 83. Fr. Hofmann l. m. c. p. 356. El. Camerer system. cautel. medic. p. 494. Geoffroy. mat. med. T. II. p. 185.

d) New Dispensatory p. 197. refragari quidem videntur Ill. de Haen rat. med. T. II. p. 50. sqq. & Stoerck Ann. med. II. p. 166. sqq. observationes; responderi tamen posset 1) vix minori dosi adhibitum fuisse ab ipsis extractum, quam ab aliis cortice peruvianum in pollinem contusum; 2) non ideo datum præcise, quod majores ipsi vires tribuerent, sed quod commodius & absque tanto ægrorum renixu exhibere possent.



persuaderent adstringente addito, e) extractum, infusa atque tincturæ vinosæ, ac spirituosæ & salinæ, nec non sal essentielle, ut loqui amant Chemici, reliquis ex cortice aquæ ope præparatis remediis, efficaciora, f) infusum decoctumve turbidum per colum trajecto & limpidum præstantius, g)

§. 20.

Neque tamen ideo negavero, tam mirifice mistas & reliquis mucilaginosis ac balsamicis particulis temperatas, tam subtiliter attenuatas a natura in cortice peruviano fuisse ferreas particulas,

C 2

ut

sunt. Haen l. c. p. 54. Werlhof l. c. p. 83. 3) non negandum, etiam extractum aquosum, more aliorum aquosorum & amarorum extractorum egregiis virtutibus pol- lere posse; posse etiam pro diverso ejus parandi modo, aut caloris vi abripi parti- culas, quæ alias aqua non solvuntur, ferreas, aut harum nonnullas, forma salina cortici inhærentes, extracto misceri.

e) ita usum extracti hujus cum usu aluminis crudi conjunctum in variolis malignis de- prædicat Walls. Philosoph. Transact. n. 484. art. 4.

f) infusum vinosum prædicant & extractum spirituosum præscribunt Autores pharma- copœæ Wirtembergicæ Ed. nov. P. I. p. 111. II. p. 89. Geoffroy l. m. c. p. 185. 196. extractum etiam spirituosum optimo cum successu adhibuit Werlhof l. c. p. 88. partem spiritu vini solubilem efficaciorē & majorem esse Neumann l. c. p. 687. & Auctor of the new Dispensatory. l. m. c. extractum spirituosum aquoso potentius pronunciat Loesche l. c. p. 440. infusum vinosum suadet Hofmann l. m. c. p. 399. quadruplo tamen ipso cortice debilius. Loesche. l. m. c. optima esse van Swieten. l. c. p. 567. de salinis v. eundem l. m. c. & Hofmann l. m. c. de sale essentiali ad modum a Co- mite Lagarais descriptum parato, quod etiam extracto longe potentius invenit Exper- tiss. Quarin method. medend. febr. p. 25. v. Heller de innocuo atque egregio cor- ticis peruviani in febribus intermittētibz usu. Tübingæ 1754. p. 40. quæ omnia docere videntur, ad extrahendam corticis peruviani principem virtutem ea aptiora esse corpora, quæ aliquam etiam in ferro solvendo exserunt efficacitatem, & vix aliquid præter gummosum & salinum in aquam transire, nisi diuturna maceratione aut magno continuatoque calore, autritu adjuvetur solutio, quo opitulante novimus, perfectiora adhuc metalla, quamvis imperfecte, aqua solvi posse.

g) Crantz l. c. P. II. p. 18. Geoffroy l. m. c. p. 186. deficiens limpiditas, evidens solutionis imperfectæ indicium particulas aqua non solvendas hic haberi docet, quæ etiam, ut primum refrigeratur liquor, subsident. New Dispensatory. p. 197. hinc sa- turatissimum, turbidum, flavescent & spumescens decoctum ad extractum parandum inspissari jubet van Swieten, l. c. p. 567. decoctum etiam turbidum, tam corticis pulvere, quam infuso vel frigido vel calido validius deprehendit Quarin. l. c. p.



ut frustra eadem ratione constitutas, adeoque eadem ratione agentes in quocunque alio naturæ producto quæras; ut frustra etiam, certe hactenus, tentaverit ars, imitari naturam, tale producendo corpus, quod omnes in unum conjunctas in cortice cinchonæ & quasi específicas illas vires possideat: Stabit igitur hactenus cortici peeruviano sua laus, quam summi in arte Magistri, h) vera experientia ducti, ipsi tribuere non dubitarunt.

### §. 21.

Nolui tamen meris ratiociniis aliorumque experimentis acquiescere, sed potius duxi, propriis periculis in rem sane haud infimi momenti inquirere; eundem ordinem servaturus, primo adstringentia contemplatus, conatus fui demonstrare, 1) quod adstringentia plus ferri contineant, quam alia vegetabilia; 2) quod adstringens suum principium ferro soluto debeant.

Exper. I.

In crudis non mutatis corporibus in pulverem contusis primo periculum facturus, α) an aliquid ferri in his detegat magnes, gallas turcicas, β) corticem granatorum, corticem cinchonæ magnetis actioni exposui, qui tamen in his corporibus, manifestissime aut adstringentibus aut roborantibus ne unicam quidem invenit ferream atomum.

α) Plurimorum experimentorum & socius & testis fuit sanguinis & amicitiae vinculo mihi conjunctissimus, Chr. Cottlob Gmelin, pharmacopœus Tubingensis dexterrimus.

β) Idem experimentum repetii in gallis semel, & in iisdem quater cum aqua decoctis & exsiccatis.

### §. 22.

b) quorum plurimos allegatos reperias in aureo Werlhofii sæpius jam citato libro. v. etiam van Swieten. l. m. c. & Ill. van Hæn, rat, med, P. III. p. 40 — 73. p. 199 — 213. P. XI. p. 79 — 86.



## §. 22.

Videtur inde concludi posse, siquidem adsit in ejusmodi corporibus ferrum, non adeo nudum & evolutum adeste, ut investiganti mox adpareat.

Croci martis varii, vitriolum ferri, ochræ variæ, in pulverem Exper. II. comminuta, magneti adplicato nihil monstrarunt ferri.

Solvi vitrioli viridis semunciam aquæ destillatæ q. s. per fil- Exper. III. trum trajectam solutionem hanc commisi cum saturato decocto gallarum turcicarum, in pulverem contusarum, per colum trajecto, satis limpidò, fusco; mox ab adfusione natus est cum spuma color profunde cæruleus, &, pelluciditate omni disparente, verum atramentum, justo tamen spissius; hoc per filtrum trajeci; residuum in filtro edulcavi superadfusa sæpius nova aqua, donec hæc insipida, pellucida & excolor per filtrum transfret; residuum leni igne exsiccatum, in tenuissimum pollinem comminutum, 3j cum gr. V pendens, nullas exhibuit magneti ferreas particulas; acido vitrioli tamen adfuso limpidò & excolori & colorem aureum & saporem emi- nenter adstringentem conciliavit; partim autem in ochram fuscam corrosam & supernatavit liquori & ad fundum decidit.

## §. 23.

Videntur his confirmari, quæ §. 4. sub lit. h. i. k. l. m. allegavi aliorum experimenta; refragari tamen quodammodo tertium experimentum Lemery sententiæ, quæ ferrum in atramento per gallas in forma metallica præcipitari, sive reduci vult: γ) Cur autem idem præcipitatum in atramento ferrum, quod magnes respuit, per adfusum novum atramento acidu quodcunque, limpiditate restituta, solvatur, quum tamen acida pleraque non nisi ferrum



perfectum adgrediantur, explicent alii; an quia pars inflammabilis periit, non obedit magneti; & quia altera adhucdum superest, paret suis menstruis?

γ) Mem. de l'Acad. de Paris. 1707. p. 717. hist. p. 50. hist. 1713. p. 35. mem. p. 46, sqq.

Exper. IV.

Radice althææ concisæ ℥j igni commisi in olla figulina; carbonis, cujus obtinui scrupulos quinque, mediam iterum partem in cinerem converti ponderis gr. Xij; sed neuter magneti ullam obtulit ferri particulam; neque posterior spiritui salis ammoniaci, cum cineribus clavellatis parato; elutriavi eundem, sed ne tunc quidem magnetem aliquid in eum agere vidi.

Exper. V.

Idem cinis elutriatus cinereus cum aqua adfusa vix, fortius cum acido salis ebullit, mephiticum simul ovorum putridorum foetorem exhalans; neque tamen totus in hoc solutus, multas adhuc in fundo reliquit particulas.

Exper. VI.

Semen lini ℥j combustum in olla figulina; multus sub combustionem exiit spissus fumus, vix autem flamma; carbonem formam adhuc semen referentes ponderabant scrupulos quinque, & in pulverem contusi aliquas offerebant magneti ferri particulas; horum dimidiam partem in cineres converti, qui gr. XXij ponderabant, & in quibus præ omnibus aliis a me exploratis cineribus magnas multasque particulas ferreas monstravit magnes.

§. 24.

Mirum certe phænomenon videtur magna inflammabilis copia, qua scatent lini semina, niti, quæ etiam si terræ ferri metallicæ particulæ paucissimæ adsint, iis reducendis aptissima, melius & tenacius conjuncta, eas facilius in forma metallica sistit, quam quidem



quidem in alio vegetabili, ferri quidem magis divite, inflamma-  
bilis tamen sufficiente copia carente, aut minus arcto connubio cum  
eo combinato, quod addere quidem Chemicus, nunquam tamen,  
nisi magna ignis vi, adeo facile, adeo arcte conjungere potest, ac  
quidem in hoc casu fit a natura: Vidimus præterea lini oleum  
per brevis digestionem calces ferri reducere.  $\delta$ )

$\delta$ ) §. 7. sub lit. o.

Corticis granatorum in pulverem comminuti  $\mathfrak{zj}$  commissi Exper. VII.  
in ollula figulina, obtinui inde carbonis scrupulos quinque, quo-  
rum in pulverem contusorum vix aliquas particulas attraxit ma-  
gnes; dimidiam horum partem in cinerem converti; neque in hunc  
magnes egit; elutriavi ergo sæpius adfusa aqua; ponderavit cinis  
vj. extraxit magnes paucas aliquas, ratione tamen totius ci-  
neris fatis crebras particulas.

Gallarum turcicarum  $\mathfrak{zij}$  in pulverem comminutas in ollula Exper. VIII.  
figulina ustulavi, & jam aliquot particulas attraxit magnes; post  
converti in carbonem, qui tamen paucissimas magneti obtulit  
particulas metallicas, neque elutriatus plures obtulit.

Gallarum turcicarum in pulverem conversarum  $\mathfrak{ziv}$  octies cum Exper. IX.  
aqua decoxi, ita, ut semper cum  $\mathfrak{t}\mathfrak{biv}$  ad residuum dimidiæ par-  
te coquerem, donec hæc insipida per filtrum transfret, & insipi-  
da plane relinqueret gallas: exsiccavi leni fornacis hypocausti  
ore, & vidi hinc inde minimas, paucissimas tamen ab adplicito  
magnete attrahi particulas: Drachmam hujus materiæ, in sub-  
limum pollinem contritæ, leni ustulationi exposui, neque tunc  
magnes in eam egit; sed, ut primum in atrum carbonem mutata  
est, fatis magnas particulas attraxit.

Decocto



Exper. X.

Decocto gallarum saturato, austero, limpido, adfudi spiritum salis ammoniaci ope cinerum clavellatorum paratum; mox sub adfusione nata est effervescentia cum plurimis bullis; sensim ortæ sunt nubeculæ, totum liquorem turbantes, & tandem spuma liquor antea adstringens nunc tantummodo valide amaricabat, colore ex aureo fusco splendebat, dum nubeculæ illæ ad fundum vasis decedentes flavescebant; transfudi concussam liquorem cum sedimento per filtrum chartaceum; liquor transiens ex aureo fulgore fuscus erat, amaricans, valde accedens sapore suo ad liquorem cornu cervi succinatum, odore ad spiritum salis ammoniaci; adfudi residuo sæpius novam aquam, ut omne salinum ablueretur ex abluto sic & exsiccatum residuo nihil attraxit magnes; erat autem subluteum, & siccatum in filtro fissuras quadratas contraxer

Exper. XI.

Residuo a priori exp. superadfudi spiritum vitrioli, una parte olei vitrioli, tribusque aquæ destillatæ confectum limpidum; hic inde parum tinctus partem ejus solvebat; huic solutioni adfufum lixivium sanguinis (*Blutlauge*) liquorem multum turbabat cum effervescentia magna, spuma, & colore ex cæruleo viridescenti virescente; præcipitabatur postea pulvis ex atro cæruleo denuo idem & tertia vice, donec non amplius effervesceret, adfudi; & idem etiam secunda & tertia vice contigit, quod prius

Exper. XII.

Pulvis hic, cærulei Berolinensis æmulus, elutriatus, siccatum profunde adhuc cæruleus, de filtro derafus, cum sevo cervino in ollula figulina vitrata commissus, candens, ex igne extractus & refrigeratus totus fere a magnete attrahebatur, gr. iij ponens.

Exper. XIII.

Terram ab exper. XI. in filtro superstitem non solutam fuscam pastaceam igni commisi in tigillo; candefactam & refractam



ratam exploravi magnete, qui nihil ferri monstravit; fudi igitur  
um sevo cervino, refrigeratam, spongiosam, nigram, in pollinem  
contusam massam, exploravi denuo magnete; hic autem nihil inde  
extraxit; ponderavit gr. IV.

Gallarum nigrarum ℥iv in pulverem contusis infudi in ahe. Exper. XIV.  
o cupreo aquæ fontanæ ℥ij, coxi super igne modico furnianemii  
er dimidiam horam, decoctum trajeci per colum panneum; super-  
adfusa adhuc parte aquæ frigidæ, & expresso superstitite liquido; id-  
ue septies iteravi, donec transiens per colum liquor & colore &  
apore careret, & vitriolum ferri aqua solutum non turbaret: De-  
octa hæc omnia confusa & ad residuum ℥x inspissata miscui cum  
j spiritus vitrioli, cujus sub adfusione nulla certe conspicua con-  
git mutatio; exposui per aliquot dies leni caloris hypocausti  
alori; postea refrigerio commisi; subsedit sic in fundo sal mollis,  
umidiusculus, vix sapidus, impurus, terreus, qui per filtrum  
eparatus iterata aquæ frigidæ adfusione ablutus plumulas refe-  
ebat.

Salem ex præcedente periculo obtentum denuo solvi aqua Exper. XV.  
alida plurima, trajeci per filtrum; trajecto liquori adfudi oleum  
artari per deliquium, unde multum turbatus fuit liquor; subsedit  
enique pulvis ad fundum, quem liquore supernatante leni de-  
inatione vasis defuso siccatum asservavi.

Pulverem priori exper. impetratum commisi in ollula figu- Exper. XVI.  
na cum sevo cervino calcinanti igni; obtinui inde cinerem  
bidum fatis subtilem, ex quo magnes ne minimum quidem pul-  
isculum attraxit.

Partem terræ exper. XVI. cum sale ammoniaco contrivi in Exp. XVII.  
mortario serpentino, & percepi inde odorem alcali volatilis.



Exp. XVIII. Partem terræ exper. XVI. solvi acido falis; soluto & per filtrum trajecto liquori adfudi acidum vitrioli, unde statim opacitas aliqua nascebatur; altero die vidi in fundo vasis satis magnam selenitæ copiam natam.

Exper. XIX. Partem terræ exper. XVI. cum oleo tartari per deliquium coctam, coctam per filtrum trajeci, remansit in filtro terra, quam superius adfusa aqua elui; ablutam solvi acido falis, quod valide cum ea efferbuit; solutam trajeci per filtrum, & addidi acidum vitrioli; obtinui sic altero die seleniten.

Exper. XX. Decocta Exper. XIV. cum spiritu vitrioli digesta evaporando inspissavi, ut quoad volumen tertia pars remaneret; hanc per filtrum trajeci.

Exper. XXI. Liquori Exper. XX. per filtrum trajecto pellucido, aqua adfusa diluto, adjeci lixivium sanguinis, unde mox cum summo odorum putridorum foetore atque effervescentia spumefcente orasque vasis superante turbatus est liquor, qui tamen, quieti commissus supernatante fluido limpido, pulverem ad fundum dejecit sat multum.

Exp. XXII. Liquor prioris Exper. cum sedimento suo in filtrum conjectus reliquit in filtro terram fordide luteo-fuscam, pastaceam, in qua crebra adfusa aqua elotam, exsiccatam & in pollinem comminutam nihil egit magnes.

Exp. XXIII. Partem terræ prægressi Exper. cum sevo in ollula figulina combusti; candefactam & refrigeratam albam, rubellam tenuem, exploravi magnete, qui tamen ne minimam quicquid ejus attraxit miculam; eadem autem terra cum sale ammoniac trita fortem excitavit odorem, cum aqua parum, cum acido falis valide ebullit, & in hoc quoad plurimam partem soluta acido vitrioli superadfufo selenitæ forma in fundum decidit.



Parti terræ Exper. XXII. acidum vitrioli limpidum, exco- Exp. XXIV.  
 or adfudi, quod & bullulas excussit, & mox inde tangebatur, li-  
 quorem supernatantem aurei coloris pellucidum de superstitite pi-  
 cea massa decantavi, & per filtrum trajeci.

Liquori Exper. XXIV. adfudi lixivium sanguinis, unde mox Exp. XXV.  
 ummus foetor, sibilus, effervescencia, bullæ, spuma, & summa  
 liquoris turbatio cum colore fordide viridi in fuscum vergente; al-  
 tero die vidi terram fordide virescentem ad fundum delapsam.

Terram Exper. XXV. liquorem filtrando, sæpiusque aquam Exp. XXVI.  
 superadfundendo edulcatam exsiccavi.

Terra Exper. XXVI. igni cum sevo cervino commissa nihil Exp. XXVII.  
 magneti exhibebat ferrei.

Terram, quæ ab exper. XX. in filtro remansit, fordide lute- Exper.  
 m & fuscam, hinc inde micaceam, sæpius adfusa aqua elui & XXVIII.  
 ccavi; acquisivi sic ejus Div, contudi in pollinem, & magnetem  
 dplicui; neque tamen hic aliquid ferri, nisi perparum detexit,  
 icet hinc inde miculæ & globuli argentei splendoris adparerent.

Terram Exper. XXVIII. contrivi cum sale ammoniaco, neque Exper.  
 observavi inde exsurgentem odorem alcali volatilis. XXIX.

Terræ experim. XXVIII. adfudi acidum nitri excolor, dilu- Exp. XXX.  
 um, quod sine ullo fumo illam adgressum est, post aliquod autem  
 tempus calefacto per ignem fornacis hypocausti liquore summopere  
 efferbuit, orasque vasis superavit; digessi sic per noctem, & vi-  
 di altero die totam solutam, & liquorem adstringentem flammeo  
 colore fulgentem; per filtrum transmissi, & mansit color.



Exp. XXXI. Liquori Exper. XXX. adfudi oleum tartari per deliquium quod parum efferbuit, neque colorem neque pelluciditatem mutavit.

Exper. XXXII. Liquor Exper. XXX. decocto gallarum adfusus nullam ei, præter aliquam pelluciditatis jacturam, intulit mutationem, neque post aliquot dies notabilem.

Exper. XXXIII. Liquori Exper. XXX. adfudi acidum vitrioli, unde primæ vix ulla mutatio, neque post duodecim horas aliquid ad fundum decidit, neque serius.

Exper. XXXIII. Liquor Exper. XXX. evaporationi leni diuturnæ, & postea refrigerio & quieti commissus nullas dedit crystallos, levesque tantummodo contraxit nubeculas; superadfudi alcohol vini, quod adpellant, reposui in frigore, & vidi altero die pulverem albidum tenuissimum flocculentum ad fundum dejectum.

Exper. XXXIV. Terram Exp. XXVIII. cum acido salis diluto ex colore digestæ per noctem, unde lutescentem concepit colorem, multa terra obscuriore non dissoluta in fundo superstite: trajeci per filtrum, dilutæ tunc flavore conspicua erat, saporis potius acidi, quam adstringentis.

Exper. XXXV. Liquori Exper. XXXIV. adfudi spiritum vitrioli, neque tamen inde, etiam post aliquot dies, ulla facta fuit præcipitatio selenitæ, sed potius crystallosum minimarum aluminosarum pellucidarum.

Exper. XXXVI. Liquorem exper. XXXIV. evaporationi exposui, & postea refrigerio, nullas tamen inde potui acquirere crystallos; ad siccitatem inspissatus, & libero aëri expositus in deliquium abiit.

Exper. XXXVII. Liquorem exper. XXXIV. adfudi decocto gallarum, & idem plane fuit eventus, qualis Exper. XXXII.

Terrar.



Terram Exper. XXVIII. digessi per noctem cum acido vitrioli <sup>Exper. XXXVIII.</sup> colore, diluto, unde bruneum concepit colorem, multa tamenifica terra in fundo remanente; trajeci per filtrum, unde gratamavedinem induit liquor, saporem subadstringentem.

Liquori exper. XXXVIII. adfudi oleum tartari per deliquium; <sup>Exper. XXXIX.</sup> unde maxima nata est effervescentia, & principio quidem nulla coloris mutatio, quo propius autem accessit saturationis puncto, major, ut tandem totus liquor atro - purpureus esset cum spuma rubicunda.

Liquorem exper. XXXVIII. adfudi decocto gallarum, & idem <sup>Exper. XL.</sup> eventus, qui exper. XXXII.

Liquori exper. XXXVIII. superadfudi spiritum vini; reposui <sup>Exper. XLI.</sup> per noctem in frigore & quiete, & vidi altero die falem flocculentum ad fundum vasis depositum; defuso liquore, supernatanti liquido iterum adfudi spiritum vini, & altero die itidem conspexi fundum vasis crystallos minutas, flocculentas.

Crysallos exper. XLI. aqua iterum multa solvi, calori leni <sup>Exp. XLII.</sup> aturno exposui, & per noctem refrigerio ac quieti, nullas tamen tinui crystallos.

Liquori exper. XLII. adfudi oleum tartari per deliquium; unde <sup>Exp. XLIII.</sup> dilute purpureum induebat colorem, limpinitate tamen retenta.

Liquori Exper. XLI. adfudi denuo oleum tartari per deliquium; <sup>Exp. XLIV.</sup> & principio fuit idem eventus, qui exp. XLIII. altero autem die, postquam in frigore & quiete posueram, vidi in fundo eorum satis multorum congeriem.

Terræ Exper. XXVIII. adfudi spiritum salis armoniaci, ope <sup>Exp. XLV.</sup> aerum clavellatorum paratum; nulla tamen inde fieri videbatur



mutatio; per noctem digesta mistura & altero die per filtrum trajecta, ex fusco flavescebat.

Exp. XLVI. Liquor Exper. XLV. decocto gallarum adfusus eandem ferri ipsi mutationem intulit, quæ in Exp. XXXII. contigit, nisi quod altero die liquor spissior multo erat. v. Exper. IX.

Exp. XLVII. Liquori Exper. XLV. adfudi spiritum vini; nulla tamen haecenus inde facta fuit mutatio.

Exper. XLVIII. Terræ in Exper. XXXV, XXXVIII & XLV. in filtro superstitæ, quarum unaquæque gr. vj ponderabat, sæpius superadfusæ aqua elotæ, exsiccatae, in pulverem comminutæ, nullam magnetem obtulerunt particulam ferream.

Exper. XLIX. Gallarum turcicarum 3j combussi cum oleo olivarum in cineres gr. IV. ponderantes, qui magnete explorati satis multas ipsi obtulere ferri particulas.

Exper. L. Gallarum turcicarum in pulverem contusarum 3ij comminutæ cum 3j spiritus nitri, superadfusa multa aqua destillata; digesta per noctem leni fornacis hypocausti calore; altero die per filtrum trajecti, spississimus liquor difficillime transiit; transmissus per filtrum fere totus in coagulum primo adpectu gelatinosum abiit.

Exper. LI. Carbonis gallarum 3ij sublimavi cum 3j salis armoniaci; qui in altum tollebantur, flores toti erant candidi, neque vestigia adparebat colorata.

#### §. 24.

Exper. LI. Idem fuit eventus sumpta loco carbonis gallarum ferri ochra. Patere ex his videtur 1) adstringentium cineres & carbonem plus ferri continere, quam quidem emollientium. Exp. IV. VII. II. 2) non omne ferrum transire in menstrua aquosa. Exper. III. 3) transire tamen aliquam ejus partem. Exp. X. XI. XII. 4) in aqua ma



magis, in aliis minus arcte ligatum esse, in aliis citius, in aliis  
 ferius, & nonnisi, postquam omnia alia magis volatilia expulsa sunt,  
 e prodere. Exp. VII. IX. 5) non igne demum produci plantarum  
 ferrum. Exp. VIII. IX. X. XI. XIII. 6) non omne ferrum solutum  
 esse plantis. Exp. IX. 7) hinc pro virtute & sapore adstringen-  
 tibus conciliandis non omne ferrum impendi; 8) omne quidem fer-  
 rum ex plantis, nisi in carbonem aut cinerem versis obtentum re-  
 quisita ad perfectum ferrum inflammabilis copia carere, ejusque  
 additione indigere; Exp. XI. XII. neque tamen ex ulla solutione de-  
 citur ferrum forma metallica, nisi zincum adjeceris, neque aliud  
 quodcunque metallum perfectius, nisi per aliud metallum aut fe-  
 rimetallum. 9) combinatum præsertim esse ferrum cum magna  
 terræ aluminosæ copia. Exp. X. XIII. XXII. XXVIII — XLVIII.  
 10) non ferro quidem soli deberi adstringentem adstringentium  
 vim, deberi tamen primario, licet pariori copia, quam aut alu-  
 minosa aut calcaria terra reperiatur; eo quod ferrum longe ma-  
 jori menstrui copię vim constringendi conciliat; 11) multum ta-  
 men hanc vim juvare, saporemque acuerre terras aluminosam &  
 calcariam; 12) confirmari Cl. Geoffroy observationem (Mem. de  
 Paris. 1744. p. 98. sqq. hist. p. 21) terram aluminosam a ferro præ-  
 cipitari. Exp. XI. XIII. 13) huic forte tribuendam esse ferri & dif-  
 ficilem separationem & parciorem per varia artificia acquisitam ejus  
 copiam. 14) terram aluminosam cum acido nitri aut salis, quod  
 jam expertus est Marcgraf (l. c. p. 202. 204.) difficillime in crystal-  
 los abire. Exp. XXXIII. XXXVI. 15) aluminosam terram non ex-  
 pellere ex sale armoniaco alcali volatile. Exp. XXIX. 16) acidum  
 nitri terræ aluminosæ solvendæ optime inservire Exper. XXX.  
 XXXIV.



XXXIV. XXXVIII. XLV. 17) vel ipsum etiam nitrum sub certis conditionibus dissolutam tenere posse terram hanc. Exp. XXXI. 18) magnam etiam calcariae terrae multitudinem adstringentium mixturem ingredi. Exp. XIV. XV. XVII. XVIII. XIX. XXIII. 19) partem tamen, quam quidem aluminosae. Exp. XXV. XXVIII – XLIV. 20) majorem cum acido vitrioli alere affinitatem, quam alteram; hinc & facilius solvi, & arctius combinari. ibid.

§. 25.

Liceat autem nunc ad corticem chinæ ulterius progredi; eodem, quem in adstringentibus servavimus, servato ordine, chemicis experimentis in ejus principia inquirere.

- Exper. LII. Solutioni ferrei vitrioli per filtrum trajectæ limpidæ injeci frustula zinci, eaque per noctem reliqui; altero die vidi & ochram pulverulentam ad fundum dejectam, & zincum ochra quasi obductum; utraque magnete examinans in priorem nil agere, posterioris autem minores particulas avide & vivide trahere conspexi.
- Exper. LIII. Corticis chinæ nondum mutati, in pulverem tamen contulimus  $\text{℥j}$  in cineres mutavi, & ex carbone, qui  $\text{℥viij}$  ponderabat, & ex cinere, qui gr. XXIV. pondere æquabat, aliquas particulas attraxit magnes.

- Exper. LIV. Ejusdem corticis ter aqua bulliente excocti, & exsiccati, placent insipidi, ex quo nihil attraxit magnes,  $\text{℥β}$  ustulavi, nihil tamen in ustulatum egit magnes; avidissime autem attraxit plurimas earumque fatis magnas particulas, postquam hanc  $\text{℥β}$  in gr. LXX carbonis converteram.

- Exper. LV. Carbonem Exp. LIV. gr. LXX vase aperto in cineres converti, quorum xij obtinui, ex albo subluteos, ex quibus magnes plurimas fatis magnas avide attraxit particulas.



Corticis ejusdem unica tantum vice aqua bulliente excocti, *Exper. LVI.* concisi tantum ℥j commisi vase clauso cum sevo igni per aliquod tempus, donec omnia canderent, exemptum de vase refrigerato & effracto carbonem aterrimum exploravi magnete, qui tamen vix liquid ejus attraxit.

Partem carbonum *Exper. LVI.* dimidiam vase aperto in cinere- *Exp. LVII.* es, qui gr. XLII. ponderabant, converti, qui grisei magnete explorati satis quidem multas, longe tamen pauciores, quam quidem in *Exper. LIV. & LV.* ei offerebant ferri particulas; memoratu etiam dignum, ad carbonem hunc aterrimum in cinerem edigendum longe diuturniore ignis tortura opus fuisse, quam in illo alio nostrorum experimentorum.

Corticis peruviani ter aqua bulliente excocti ℥j cum oleo li- *Exp. LVIII.* combussi; reliqui per horæ circiter spatium in ollula figulina igni commissum; extractam ex igne aterrimam massam gr. LIII. ponderantem in scobem comminutam magnete exploravi, qui tamen paucas ejus attraxit particulas.

Corticis peruviani in frustula tantum concisi ℥ij coxi cum aquæ *Exper. LIX.* vj ad residuum ℥iv; colato huic decocto saturatissimo & probe rubro cum spuma rosea immisi zinci frustula, & per nyctemerum ibi reliqui; altero die defudi liquorem; zinci frustula fundo relicta, rubra corticis tinctura, cuprea quasi imbuta, & integra & contusa nihil magneti exhibuere ferri.

Liquidi *Exper. præced.* alteri parti adfudi spiritum salis ar- *Exper. LX.* moniaci, ope cinerum clavellatorum confectum ad ℥ij; unde color altior, fibilus lenisque effervescentia; nulla tamen adfusa iam plure spiritu, liquoris turbatio,



Exp. LXI. Liquor præcedentis exper. filtratus paucissimum in filtro reliquit pulverem spadiceum, qui exsiccatu magneti unam vel alteram offerebat ferri miculam.

Exp. LXII. Liquorem prægressi Exper. per filtrum transmissum, expulsi per ignem alcali volatili & aqua, in extracti, cujus perparum accipi, formam inspissatum, cum sevo vase clauso commisi igni; productum inde corpus exploravi magnete, nihil tamen ejus hic videbatur attrahere.

Exp. LXIII. Massam Exper. LXII. aperto vase combussi, & vidi ex cinere inde obtento, gr. V ponderante, aliquas, paucissimas tamen ad magnetem advolare particulas.

Exp. LXIV. Liquoris Exper. LIX. alteri parti adfudi acidi vitrioli fortissimi 3ij, unde color spumæ pallidus, reliqui liquoris fuscus, sapor acidus, nulla tamen ceterum mox ab adfusione mutatio.

Exp. LXV. Parti hujus liquoris Exper. LXIV. adfudi lixivium sanguinis quod tamen præter rubicundos flocculos satis cito ad fundum descendentes nihil mutavit.

Exp. LXVI. Liquorem Exper. LXIV. ad siccitatem inspissatum cum pulverem carbonis lignarii & nitri depurati, posteriore tamen longius pauciore detonavi, & obtinui sic scorias coloris ex hepatico nigri, quas aqua adfusa solvi; massam in filtro superstitem sæpius superadfusa aqua elotam, siccata & in pulverem subtilem contritam gr. LXXX ponderantem magnete exploravi, qui tamen perparum ejus attraxit.

Exp. LXVII. Commisi corticis peruviani in tenuissimum pollinem contritum 3ij cum spiritus nitri 3j, qui ebullitionem excitabat, superadfusa adhuc multa diluente aqua destillata; digessi per noctem in fornacis hypocausti calore; altero die per filtrum trajeci; liquor



em per filtrum trajectum cum pulvere carbonum detonavi, massam sic acquisitam, in pulverem contusam, gr. XVij ponderantem magnete exploravi, qui tamen nihil ejus attrahere videbatur.

Corticis peruviani in cinerem conversi gr. viij cum ℥j salis ammoniaci sublimavi; pars florum flavescebat; hanc exploravi adfuso gallarum decocto; nihil tamen inde mutabatur; adfudi acidum vitrioli, sed ne hoc quidem ullam intulit mutationem; oleum tartari per deliquium superadditum elegantem conspectu producebat purpuram, elegantiore longe, quam in residuo huius sublimati, quod eodem modo exploravi; notandum tamen, eam etiam contingere, si foli gallarum decocto primo acidum vitrioli, & postea oleum tartari per deliquium adfundatur.

Corticis peruviani, ex quo ope aquæ bullientis tertia vice adfusa omnes partes hac solubiles extractæ erant, plane insipidi, lixivium unam coxi in aheni cupreo cum aquæ destillatæ corticis peruviani pariter insipidæ ℔x, additis olei vitrioli ℥ij; unde ex infuso corpore obtinui decoctum fuscum, spumans, non acidum, sive tamen amarum, quod refrigerio & quieti commisi.

Idem exper. cum ℔℔ corticis insipidi in olla figulina iteravi, idem fuit, qui prioris eventus.

Parti liquoris exper. LXIX. adfudi lixivium sanguinis, quod de flocculos rubicundos ad fundum dejecit; liquor hic per filtrum trajectus reliquit in filtro terram hanc, quam elui & siccavi; catam, gr. IV pondere æquantem, magnete exploravi, qui tamen minimam quidem ejus miculam ad se traxit.



Exp. LXXII. Terram ex priori exper. obtentam, pastaceam, fuscam, sevo cervino combussam, neque etiam tunc aliquid ferrei monstrum magnes.

Exper. LXXIII. Liquori Exper. LXX. per filtrum trajecto injeci frustula zinci reliqui per noctem; protracta altero die ex fusco rubebant; tamen elota & siccata magneti exploranti exhibebant indicium.

Exper. LXXIV. Iisdem zinci frustulis superadfudi spiritum salis ammoniaci, cum cineribus clavellatis confectum, qui tamen nullum de contrahebat colorem.

Exper. LXXV. Terra ex liquore exper. LXXIII. per frustula zinci in fundo dejecta, elota, siccata, gr.  $\beta$  ponderans, nullum magneti ostendebat ferri vestigium.

Exper. LXXVI. Ex eadem prioris exp. terra cum sevo cervino combusta a magnete trahi vidi.

Exper. LXXVII. Parti liquoris exper. LXIX. adfudi spiritum salis armoniaci ope alcali fixi paratum; neque tamen hic ullam intulit mutationem, nisi quod altero die terram flocculentam ad fundum decerit, qualis exper. LXXI. fuit.

### §. 26.

Videtur ex his concludi posse 1) magnum quidem in hac cortici ferrearum particularum numerum; (Exper. LIV. LV. LVIII.) 2) eas tamen ita irretitas intricasque esse aliis particulis, ut, nisi combustionem, difficillime certe confusi & cognitae haec artificiiis educi queant. (Exp. LIX. LX. LXI. LXV. LXVII. LXXI — LXXIII. LXXV. LXXVI.) 3) minimam quidem, (Exp. LIII-LV. LVII.) aliquam tamen (Exp. LXII. LXIII.



partem in aquosa menstrua transire ; 4) forma salis in hæc transire. (Exp. LXIX.) 5) magnam ibi ferri & terræ partem , quæ cum acido vim roborantem efficit , in cortice non solutam esse , ut satis magnam adhuc peregrini acidi adfusi vim absorbeat , eundemque iterum cum hoc saporem producat. (Exp. LXIX. LXX.) 6) acidi , an vitriolici , quo abrepto pereat , reddito redeat ? cum ferro & terra aluminosa , connubio deberi præcipue saporem amarum & vim roborantem. (Exp. LXIX — LXXVI.) 7) vel solum inflammabilis principii superpondium magnetis impedire actionem posse. (Exp. LVIII. LXXIII. LXXIV.) 8) sales fixos tenaciter adhærentes idem præstare posse ; (Exp. LIII. — LV. LVII. 9) aut sub combustionem acido ex parte resinosa erumpente ferrum in statum non metallicum redigi. (Exp. LIII — LVII.) 10) partem corticis fixiorem magnam cum inflammabili principio alere affinitatem. (Exp. LVII.) 11) in cortice hoc pariter terram aluminosam magno impedimento esse , quo minus ferrum citius , copiosius & facilius se prodat , (Exp. LXV. LXXI. LXXII.) ut ne nitri quidem acidum , adeo & in terras simplices & in ferrum actuosum , illud extrahere valuerit. (Exp. LXVII.) 12) hanc eandem aluminosam terram tenacius etiam combinatam esse cum reliquis principiis corticis , quam in adstringentibus ; 13) acidum vitrioli dilutum ferrumque ut terras dissoluta continens cuprum non adgredi. (Exp. LXIX. LXX. LXXIV.) 14) flavum sublimati salis ammoniaci colorem non certo indicare inhabitans ferrum. (Exp. LXVIII.)

§. 20.

Vnde ex meis experimentis maxima cum probabilitate con-  
sequitur, memorata hæc remedia adstringentia & roborantia suam



vim debere ferro, cum terra aluminosa combinato, & in ac-  
quocunque certe pro parte soluto; eandem tamen in variis ear-  
speciebus diversis diversæ indolis partibus temperatam esse: Qu-  
meum assertum magis confirmabitur & ad certitudinem evehet  
si plura aut simili aut diversa ratione in aliis etiam adstringen-  
bus & roborantibus experimenta instituere libuerit Chemicis, q-  
bus si mea in faciundis his periculis industria haud plan-  
displicuerit, operam meam in his consignandis  
me non perdidisse, reputabo.

